

MNR waleta madhara kwa huduma za afya Msumbiji

Ukurasa 14/1/88 p.2

MAPUTO, Msumbiji

VITA na ugaidi wa MNR ambayo inasaidiwa na utawala wa Makaburu wa Afrika Kusini imesababisha kuharibiwa kwa zaidi ya asilimia 30 ya huduma za afya ya msingi nchini Msumbiji na kusababisha zaidi ya watu milioni mbili nchini humo kukosa huduma ya afya. Shirika la Habari la Msumbiji, (AIM) lilitangaza hivi karibuni.

Likikaniriri taarifa ya Wizara ya Afya, shirika hilo limesema kuwa kutokana na kuharibiwa kwa vituo vingi vya afya kunakoendelea kufanywa na magaidi wa MNR, maelfu ya watu wakiwemo watoto wadogo wamepoteza maisha yao.

Taarifa ya wizara hiyo ilitayarishwa na madaktari wawili, Ndugu Abdulrazak Noor Mohammed na Julie Cliff na ilielezea kwa undani zaidi athari za ugaidi wa MNR kwa huduma za afya nchini humo.

Kufikia mwishoni mwa 1986, MNR walikuwa wamekwisha haribu vituo 213 vya afya na vingine 382 vilikuwa vimeharibiwa vidaa muhimu na kutazimishwa kufungwa.

Wakati huohuo habari zaidi kutoka Maputo zimesema kuwa kiongozi mmoja wa krukundi cha magaidi wa MNR alijisalmisha kwa majeshi ya serikali katika jimbo la Niassa akidai kuwa alikuwa amechoka kutokana na mateso mbalimbali anayoyapata akiwa gaidi wa MNR.

Kiongozi huyo, Jose Goa alidai kuwa maisha katika kambi za magaidi hivi sasa yanatisha na kwamba magaidi zaidi wangependelea kukimbia kutoka kambi hizo lakini wanogopa kukamatwa na kuuawa kabla ya kufika katika maeneo yanayesafiri.

Gaidi huyo mwenye umri wa miaka 23 alidai kuwa kwa kufeketeza amri za makamanda wa MNR, alikuwa amewahi kuwaua watu watano, kushiriki katika unyama uliosababisha vijiji vitatu kuharibiwa na kwamba mara kadhaa alishiriki katika kuwakamata wasichana "warembo na wadogo" kwa ajili ya wakuu wa "vikosi" vya MNR.